

SAN PABLO TÍTOMO ORÉCABE

La Carta del Apóstol San Pablo a Tito

Pablo Títomo cuete

1 ¹Páblodicue. Juzíñamui táijitagamiedicue. Jesucristo orécamiedicue. Juzíñamui nizécanomo finotalle uai cue llujállena ie orécamiedicue. Daje izói cai ínoga ua uai, íaioi onóillena orécacue. ²Afe bie cai ínoga ua uai, jaca ninomo ñue cai illínomo cai ocufrinano moírede. Nai énie cómuñenia úcodo, Juzíñamui afe zíñona cai cáaillinona lloste. Juzíñamui jaca táinona llófinide. ³Ja birui ie llóiacaga uaina, ie mamécaruimo cuemo jóonega llófuecaillado caina onótate. Uafue, cai Jíllotaraima Juzíñamui afe daje uai cue llófuecaillena cue ocuide. ⁴Tito, daje izói Juzíñamuimo finoticoco, íemona nahí cue jító izóidío. Jira bibe omo cueticue. Afe llezica, cai Moo Juzíñamui cai Ocuífireda cai Jíllotaraima Jesucristo diga o ñue ézicillena jítáidicue. Daje izói omo dúecaillena jítáidicue. Afe dáaruido caimare uái ñue o íllena jicádícue.

Tito Crétamo llófuete

⁵Monáillai cigi idu Crétamo o cue fiénocailaruido, nai figo finóbiñede raa ñue daje dine jaícina o finózillena ona fiédicue. Aféruído naga diga jofue illánuiamo ite Juzíñamuimo jainaide gairídínomo íaioi ócuitimiena o jóoneri daidicue. Ñue ócuite eicomínina jenoda o jóonetadícue. Afe izói navi úcodo omo llonódacaidicue. ⁶Naga ñue ocuide éicome nífuenino írede. Daje izói afémie daa ringo otímie írena. Daje izói ie úruiai Juzíñamuimo ñue íñorediaíoi. Afe úruiai fiénidifuena jóoneñegazana írediaíoi. Ocuilla uaina náfueñedino izói ínidiaíoi. ⁷Iemo naga

ócutillaíma Juzíñamui dibénemo ocuícaciaioi. Ie jira afémie nífuenino jaícina ñue írede. Daje izói afémie “Cue bie iere rímiedicue” daiínide. Daje izói afémie comécina éocainide. Daje izói afémie jífaifinide. Daje izói afémie illáiredimiena ínide. Daje izói afémie fia Juzíñamuimo táijinado úcube otímiena ínide. ⁸Mei jíáifodo, afémie ie jofomo mácaibitona jíáifodo coméciñeno caimare llínofiredimiena írede. Afémie ñue caimare finófredimiena írena. Afe izói dama ie abina ñue ocuídímiena írena. Afe izói afémie comécina jaícina itímiena írena. Afe izói afémie Juzíñamuimo ñue jaináidímiena írena. Afe izói afémie dama ie abina lletádimiena írena. ⁹Afémie ñue ínofirega íemo lloga uaimo iere coméiirede, jíáimaci comécina náicaitallena. Iemo jíái afémie daií írede, nana uáitatinona uafue daiítallena.

¹⁰Mei uafue, aillo ocuícana náfueñedino ite. Judúuaimo ite nabene. Afémaci táinodo úritiaioi. Afe llezica comínina jífuetiaioi. ¹¹Afémaci úrilla llícaitarede, mei dáarie afézie nana íaioi ñue ínogafue dobáíñotadiaioiza. Afe llezica llófuerainina uaido llófuefirediaioi, meáirede fínuado úcube óllena.

¹²Afe Creta énie imácimona daade uai jino lloraima, ie nabáitiaido úrite. Daide: “Creta imaci táinofuerediaioi, íemo jazici ie ríllenai izóidiaioi, íemo iere güillárediaioi, íemo jaca iere ráiraediaioi,” daide. ¹³Afémie uafue daide. Ie jira riire íaioina lletari, Juzíñamuimo íaioi ínogafuena féitañeno ñue jeire íaioi óllena. ¹⁴Iemo daje izói ñue íaioina lletari, judúuai dani uibica uáillaímo íaioi náfueñeillena. Iemo jíái, ua uáimona oni jíicaidino comútaga ocuilla uaimo íaioi cácareíneillena.

¹⁵Nana comécina íaífuenidímemo naga raa íaífuenide. Mei jíáifodo íadi nana Juzíñamuimo íinoñedino íaífuiairedinomo naga raa íaífuiarede. Daje izói íaioi ífoci uibíllafue íáirede, nana íaioi comeci úrilla uai díga. ¹⁶Afémaci “Juzíñamuina onódicaí” daidíaioi, mei íadi íaioi finócado Juzíñamuina jáanotiaioi. Mei afémaci íáiruigamacina jáidiaioiza. Iemo náfueñedino izói itíaioi; íemo due jiza ñuera raana finónidiaioi.

Ñuera uafue llófueina uai

2 ¹Tito, o daiille uallai ñue uafue llófueina izói jaca jaícina jóirede. ²Nana éicomíni jaca jífaífinidinona írede. Daje izói núefuiaido jacíruiregaiaioi. Iemo, abina ñue onódimíaina írediaioi. Daje izói Juzíñamuimo íaioi ínogafuemo íránifinidímie izói írediaioi. Daje izói nágaruillaido ñue izíruicana ífirediaioi, íemo jíái jaca comécina járitaífinidiaioi. ³Daje izói eiringótiai úrioinide; íemo núefuedo jacíruiregaiaioi. Afe izói táinona llófinidiaioi. Iemo jíái jaca jífaíradado jífaífinidiaioi. ⁴Daií ñue íaioi íllana ácatarediaioi, jíáie ringóniai jítaínguai afe izói íllena. Afedo íaioi íntíaina izíruillena lollíaioi. Daje

izói jitaingo íaioi úruiai gáillena llófueregaiaioi. ⁵Afe izói íaioi abina ñue onóillena llófueregaiaioi. Daje izói íaifuiaínidinona íaioi íllena llófueregaiaioi. Afe izói jofo ero finoca raa ñue úiñollena llófueregaiaioi. Daje izói ílláinidíngo izói íaioi íllena llófueregaiaioi. Afe izói íaioi íni ocuícana jíruífireillena llófueregaiaioi. Be daí írediaioi, buna Juzíñamui lloga fieni úridoñeillena.

⁶Daje izói jítoomini ñue íaioi íociretari, abina ñue íaioi onóillena. ⁷Iemo jíái, naga o jetácaga dibéneo o ñue illa izói íaioi íllena ácatari. Íaioina o llófuelle llezica, taino jífueño llófuefireiri. Daje izói jífánodoñeno lloiri. ⁸Daje llezica táinodo úrinidío, buna o jánari úriñeillena. Afe daí o uáitaacadino meáruitiaioi, mei ja odo fieni úrinideza.

⁹Iemo jíái, nana ocuícana íaioi ocuídino anamo ñue íllena o llófuefireiri. Daje izói cáimamacina íaioi íllena lloíri. Iemo uai ófireñedinona írediaioi. ¹⁰Afe izói íaioi táijina llezica íaioi ocuídino ráaie merñedinona írediaioi; mei jíáifodo naga táijnana jetátagamie ñue ínofiregamiena írede. Afe izói írediaioi, cai Jíllotaraíma Juzíñamui lloga uai iere ebíredeza, daní afémaci abido onótallena.

¹¹Mei jíi, Juzíñamui caimo ie dúecaillana caimo cótate. Afe caimo ie dúecaillado nana éniemo itino jíllorediaioi. Afe jíllorenafue Juzíñamui jae caína onótate. ¹²Afe caimo ie dúecaillamo cai coméciaídi fieni illafue cai fáicanocaillena caína onótate. Afe izói bie énie imaci óiacaga cai fáicanocaillena onótagacai. Iemo jíáifodo biruíllaído cai illafue ñue úillena caimo lloite. Jaca abí ñue cai ocuífiréna caimo lloite, femo cai illafue ñue jáicína cai jóneillena cai lloite. Afe izói Juzíñamuimo dúide uaina caimare finóredicai. ¹³Iemo daje izói Juzíñamui uícodo lloga uai, caimare zuíllemo ocuíríoiredicai. Mei aferui iere ríinoredímie Juzíñamui, cai Jíllotaraíma Jesucristo caimare billíruiza. ¹⁴Afémie cai ícoínia tóíllinomo uigámie, nana fiénidífuiaímona cai jíllóillena. Daje izói nana cai íaifuiai muiñóllena uigámie. Afedo afémie íena caína mamede, ñúefue iere íocire cai finóllena.

¹⁵Be nie o llófuereña uai. Nana náinide comíni comécina náicaitari, femo lletáredino omo ite ocuille ríino díeze íaioina lletáfíreiri. Buna ona jámairuitañoeno iri.

Juzíñamuimo ínotino bie izói írediaioi

3 ¹Jesucristomo ínotino énie illaíma anamo íaioi írena uibíñotari, naa ocuídínuaíri. Daje izói aféllaímai ocuica uai íaioi jíruíllena uibíñotari. Afe llezica ebena ñúefuiai fínuamo iere jíecaírediaioi. ²Daje izói jíáíma jánana fieni úrinide. Afe izói afémaci comécina caimare uái itínona írediaioi, femo ílláinidinona írediaioi. Iemo daje izói nana comíñina omoi uáidua llezica, comécina mánaidímiena o illa jino íaioímo onótari.

³Mánaidimiena íredicai. Mei nauí uícodo daje izóí cai bie jaca abina onóñedinodicaiza. Juzíñamui lloga uaimo cacáreñedicai. Aféruimo niné féiraitino izóí ífiredicai. Daje izóí nana cai começi fieni gáinafuiaimo riire ocuícanaodícaí; íemo jíái cai íóbitade raamo riire llavécanodícaí; jaca nágarui fieni ífiredícaí, íemo jíáímamo úradoífredícaí. Iemo comécina éoidícaí, daje izóí conímána éoicaífredícaí. ⁴Mei íadí cai Jíllotaraima Juzíñamui íemo ite cáímafue jino caimo cíotote, íemo nana náiraíaina ie izíruífírena díga. ⁵Afémie caina jíllotaacade, mei íadí jaca nanómóna cai dáina ñúefuena cai fínuamóna Juzíñamui caina jíllotañede. Mei jíáífodo dama afémie caimo dúecaillado caina jíllotate. Caimo ite íaífuiaí dama ie múíñuado caina jíllotate. Afe llezica Juzíñamui Ñuera Joreño afe múíñuado, meine como jéíciganóna caina finode. Iemóna daje izóí afe Ñuera Joreño como comútaga ñúefuedo caina úcaíte. ⁶Cai Jíllotaraima Jesucrístodo, Juzíñamui ie Ñuera Joreño jeruñeno caimo fecade. ⁷Afe daí Juzíñamui caina dúecaillano, nífuenidínodícaí izóí caimo caímare éroide. Afémie daí caina ítátate, cai ocuírína zúñóna cai illino cai maíñóllena.

⁸Bie uaíllai iere uáfueza. Daje izóí nana bífuiaí jeire íaíoi ólleza ona íaíoina iere llotátaitícue. Daí ona llotátaitícue Juzíñamuimo fínótino bie ñúefuiaímo nágarui íaíoi jíeruíllena. Comíni canóllena bífuiaí nana ñuera. ⁹Mei íadí abina onóñedíno júfidogafuemóna oni o jícaíri. Daje izóí jaiáídígíma díbénedo lloga íaíoi comuílla táínofuiaímona oni o jícaíri. Afe izóí jíáímána uáítafírenamóna oni o jícaíri. Iemo jíái, Moisés lloga uaimo ite féiredífuiaído fuírídínomóna oni jícaíri. Nana bie izóídífuiaí cómena canóñede. Daje izóí bífuiaí ífócína úríñedinómóna comuíde.

¹⁰Juzíñamuimo dájena jaináídíno cígíri dámie eneno bozíetaiacanía, íena uáídota ménacaiño lletari. Daí lletaca cacáacañeniadí, omoi cígímona íena ruífruíri. ¹¹Uáfúena íena ruífruíri, mei ja áfemóna afémie fíénídímíena onóredeza. Afémie ñúefuemóna oni níbéfodo fíénídífúemo baíídímie. Iemo dama ie finoca fíénídífúedo duere finóbide.

Pablo naa ie nabáíñiaíri mamérilla uai

¹²Artémána mámecíredímie, níbai Tíquícóna mámecíredímie omo cue óreíadí méífomo, Nicópolís jofue illánomo raíre cue eróizaíbiri. Afénomo o jáíllena raíre mamériri, dínomo dáanomó conímamo dúcíitícozo. Mei afénomo rozíredíruíllai záítaíacadícueza. ¹³Iemo nane jíáífue, Zénana mámecíredímie Apolos díga nana omo ite díeze íaíllínóna canori. Afe Zena jíáímado ñue úrífredímie. Iaíllínói jaille llezica jítaíca raana íaíllínóimo fecari, mínícana íaíllínói jítaíñellena. ¹⁴Iemo daa cai Juzíñamuimo jaináídíno ñue lloíri, ñúefuiaímo íaíoi táíjífíreílleza; daje izóí jíáíe come jítaíadí, íaíoi jítaílla raana fecari. Iemóna íaíoi íllafue ñue ráífíteza.

Iraicaiño uáiduano ñue íaiói íllena Pablo Juzíñamuimo jicade

¹⁵Nana cue diga itino omo uai orédiaioi. Cai izíruiga nabáiñiai daje Juzíñamuimo ínotino o uáidori. Mei Juzíñamui nana ómoína ñúefue dibénemo itátaiteza. Daiítateza. Jae niie.